

- Թագ ականակուռ գլուխ իմ ,  
 զիա՞րդ վերացար .
- 10 Ժրաջան մեղու եւ գործ քաղցրահամ ,  
 զիա՞րդ դադարեցար .  
 Ի յայդոյն Յիսուսի դու ծառ պտղալի ,  
 զիա՞րդ գոսացար .  
 Լեզու քաղցրախօս , ահարկու գիմօք ,  
 զիա՞րդ լռեցար .  
 Խորհուրդ բարի , կոյս մաքուր ,  
 զիա՞րդ վերացար .  
 Ծով ծիրանի , խաղաղ , անքոյթ ,  
 զիա՞րդ վրդովեցար .
- 15 Կանգնող գլորելոց ,  
 զիա՞րդ վերջացար .  
 Հողւով լցեալ տուն եւ տաճար ,  
 զիա՞րդ քակտեցար .  
 Ձեռնաւարկու ղեկզ ճարտար ,  
 զիա՞րդ դու անկար .  
 Ղամբար լուսափայլ , ջահ անշիջելի ,  
 զիա՞րդ դու շիջար .  
 Ճշմարիտ ողկոյզ սիրով քո արբեալ ,  
 զիա՞րդ ճմլեցար .
- 20 Մարգարիտ պայծառ , ատամունք շարեալ ,  
 զիա՞րդ նստեցար .  
 Յայտդ քո լուսով , ունքդ քո կամար ,  
 զիա՞րդ անտեսացար :  
 Նռենի ծաղիկ , փրթթեալ վարդենի ,  
 զհա՞րդ տգեղացար .

11 գաւսեցար B: — 13 կուս AB: — 14 խաղ  
 անքոյդ B: — 17 ձեռնաւարկու B: — 18 անշիջա-  
 նելի B: